



Brigadni general Giselle M. Wilz **KoV Sjedinjenih Američkih Država**

Brigadni general Giselle M. Wilz preuzima dužnost komandanta i visoke vojne predstavnice NATO Štaba Sarajevo, Bosna i Hercegovina, od 9. juna 2015. godine. Na toj funkciji savjetovat će domaće vlasti u vezi vojnih aspekata reforme sektora sigurnosti i komandovati snagama Sjeveroatlantskog saveza koje djeluju u Bosni i Hercegovini. Njene dužnosti će obuhvatati i saradnju sa Snagama Evropske unije (EUFOR) na osiguranju stabilnog i sigurnog okruženja u zemlji i poštivanju Općeg okvirnog sporazuma za mir sklopljenog u Dejtonu. Pored toga, domaće vlasti će savjetovati i o provođenju aktivnosti NATO programa Partnerstvo za mir i daljnjim reformama potrebnim za uspješno članstvo u Sjeveroatlantskom savezu.

General Wilz je prethodno obavljala dužnost načelnice štaba KoV-a Nacionalne garde Sjeverne Dakote. Rođena je u Richardtonu, Sjeverna Dakota, gdje je otpočela vojnu karijeru u novembru 1983.godine u Vojnoj policiji, 191. čVP, Mandan, Sjeverna Dakota. Čin potporučnice dobila je 1986. godine i odtada je obavljala razne komandne dužnosti, od komandira voda, komandira detašmana, komandira čete, oficira za operacije, izvršnog oficira, komandanta bataljona, oficira za operacije brigade do komandanta brigade.

Prije sadašnje dužnosti, general Wilz obavljala je niz dužnosti u Nacionalnoj gardi KoV-a, uključujući operacije suzbijanja narkotika, oficira za smanjenje korištenja narkotika, oficira specijaliste za jednake mogućnosti i radne odnose, oficira zaduženog za 164. borbeni inženjerski bataljon, koordinatorica borbe protiv narkotika, direktorica vojne podrške/ zamjenica J3, G3 (oficir za operacije) za 141. manevarsku brigadu tokom njihove misije na Kosovu, zamjenica načelnika štaba za operacije Nacionalne garde KoV-a Sjeverne Dakote.

General Wilz je završila osnovni i napredni intendantski kurs, napredni inženjerski kurs, Komandno-štabni koledž i Ratni koledž KoV-a SAD-a. Pored toga, završila je i niz profesionalnih menadžerskih kurseva, kao što su: vojna pomoć civilnim vlastima, osnovni kurs pregovaranja, kurs o posredovanju pri zapošljavanju na federalnom nivou, kurs jednakih mogućnosti Instituta za jednake mogućnosti u odbrambenom sektoru, kurs za rad u profesionalnim obrazovnim centrima, kurs za konsultante, te je bila predavač na nizu kurseva za lidere.

General Wilz dobitnica je mnogih priznanja i nagrada uključujući: medalju za zasluge u službi (sa 3 bronzana snopa hrastovog lišća), medalju KoV-a sa pohvalom (sa 1 srebrenim snopom hrastovog lišća), medalju KoV-a za posebne rezultate (sa 2 bronzana snopa hrastovog lišća), medalju rezervnih snaga KoV-a za posebne rezultate, državnu medalju za službu u nacionalnoj odbrani, medalju Rezervne komponente Oružanih snaga (sa M i srebrenim pješčanim satom), medalju za službu u jugozapadnoj Aziji (sa tri zvjezdice), medalju za službu na Kosovu, NATO medalju, medalju za humanitranu službu, odbrambenu medalju Saudijske Arabije, oslobodilačko-odbrambenu medalju Kuvajta, vrpcu za izuzetne zasluge u službi Nacionalne garde Sjeverne Dakote, vrpcu za službu u Nacionalnoj gardi Sjeverne Dakote i pohvalu za izuzetnu jedinicu.

General Wilz diplomirala je na državnom Univerzitetu Dickinson 1990. godine stekavši zvanje bakalaureata pedagogije, a zvanje magistrice strateških studija dobila je na Ratnom koledžu KoV-a SAD-a.

